

Pulmadeks valmistumine. Sajapäev

Kaadsil pand´ õks sis ette hobõsõ,
verevä vehmrehe,
kokko läts õks tä kutsma umatsit,
5625 ajama kokko armit.
Kaadsil kuts´ õks küll kokko kolm päivä,
veerät´ hõimo viis päivä,
mõntõ sõit´ õks tä paika sadulaga,
ragi Kaadsil ratsõlla -
5630 Kaadsil oll´ õks küll Soomõne suku,
võssa Võnnu kerikoni,
Kaadsil oll´ õks küll turuh tutvit,
liinah pall´o ligimäidse.
Kaadsil kuts´ õks küll kokko nal´amiihe,
5635 viguriidse velekeise:
looga kuts´ õks tä liinast, vehmre vallast,
taoslavva talokõsõst.
Kaadsil õks läts tuuhtõ kodo,
meelimari tuuhtõ majja,
5640 koh olli^q õks naa^q naase^q nal´alitse^q,
tuu tekk´ õks koh ime imetükkä:
pee^qle^q olli^q õks koh tarõh persüpäädi,
naane takah taasperi,
koh nüssi õks taa ime imissit,
5645 sõsar sikkõ sõiratõlli.
Kaadsil tahtõ õks küll vello virbi saajo,
illos poiss imetükkä,
midä olõ-i õks joht kiäke tennõ^q,
kulla kohke olno^q.
5650 Kaadsil õks sis lausi meelestäni,
meelest, meelega poolõstani:
“Olõs´ saasi^q õks mul kolgalõ kõnõlda,
mõnõlõ mõistutõlla!”
Kaadsil lätsi^q õks sis hikkõ hiiro^q ruuna^q,
5655 vatto valgõ^q hobõsõ^q
umatsit õks otseh,
suure truukõ tundõh.
Kaadsil õks kuts´, eis´ kadsat´,
kosilanõ kost´ sõnno:
5660 “Õga saa-i õks imp saajo tõõsõl kõrral,
pulumõ tõõsõl puulpühäl -
jäl piä õks ma üte voorikõsõ,
kutsu kokko, kosilanõ!”
Kaadsil-õks-kõist, kosilaist,
5665 vigurist velekeist -
mito tõi õks tä kotte kulatskejauhõ,
mito puuta puurajauhõ,
kuus kuts´ õks tä söögitegijät,
viis vadsavaal´atajat.
5670 Kõik panni^q õks nää^q ahjo papõrdõga,
võti^q vällä västärdega.
Kaadsil tapp´ õks sis sulust suurõ tsia,
kiudust kirivä origo,
pääle tapp´ õks jal maalõ tarvohärä,
5675 poiss maalõ suurõ pulli.

Nii ka õks tette Taadsil kotoh,
tette mõrsja mõisah.
Kui tull´ õks tuu puulpühäkene,
sai saja-õdagokõnõ,
5680 kõik saiva^q õks näil ollõ^q utõtust,
tahe^q taari^q tettõst,
kõik nakse^q õks sis ollõ^q uikmahe,
viina^q villu laskmahe -
ollõ^q nakse^q õks sis uikma umatsit,
5685 viina^q hõimo hõikamma.
Kaadsil kuts´ õks sis lillitegijit,
pardsi tutupalmitsõjtit,
kõõ lask´ õks sis üü ehitellä^q,
pardsi lille palmitsõlla^q.
5690 Nii ka õks jal tette näio kotoh,
Taadsil majah, mar´akõsõ^q:
Taadsilõ ka õks kruunõ koetigi,
vanikit valmistõdi.
Mõrsja omma^q ka õks ehte^q ilosa^q,
5695 pruu^qdi vahtõ^q valusa^q!
Kõik saiva^q õks nää^q häste ehitedüst,
valusahe valmistõdust,
Taadsil saiva^q ka õks andõ^q arvatost,
kinda^q kimpo kõüdetüst.
5700 Umadsõ^q õks sis kokko oidova^q,
ligimätsõ^q liikova^q,
moro tull´ õks sis täüs muud hõimo,
uss-aid umatsit.
Mõni veere õks küll vedrovangõrdõga,
5705 liidi sisse linekil,
mõni sai õks jal sinnä sadulaga,
veere sisse verevil.
Sinnä tull´ õks sis sääntsit ne mäantsit,
tull´ veljo viguriidse:
5710 tulba saisi^q õks kõik veereh torrõ^q poisi^q,
piida man pikä^q herrä^q.
Kaadsil ai õks sis tarrõ auga,
keerät tarrõ kitu-meelel.
Kaadsil and´ õks sis viina velile,
5715 and´ olut uhkillõ,
kiä olli^q õks täl otsane umadsõ^q,
vanõbidõ vana hõim.
Nuu^q aiva^q õks kui hobõsõ morolõ,
rikka Kaadsil repi mano,
5720 vankre^q olli^q õks täl tävve^q suuri vatsko,
liiasuurõ^q lihakoti^q.
Ime juusk´ õks sis esega vasta,
tätä maamaga mano,
vadsa- võti^q õks nää^q -kottõ vankrilt,
5725 liijasuuve lihakantõ.
Mõnõl õks jal oll´ võido tuud,
kohopiimä kotte pant,
mõnõl õks jal oll´ saiapätse,
mannergoh makus´ piim.

5730 Ese nõst´ õks sis aita säläga,
ime kand´ kangla all.
Sulasõ^q õks jal tull^q suu mano,
tiindre^q mano tekküvä^q,
hiiro pästi^q õks nää^q iist hiitrahe,
5735 musta ruuna muudopiti:
õga tii-s õks nää^q vika verevälle,
kaiho kaarasüüjäle,
laugi veivä^q õks nää^q hõste laatrehe,
targa ratso suurdõ talle.
5740 Õga panõ-s õks nää^q talle taostõga,
panõ-s sulgo suidsõõga -
puhtahe õks nää^q panni^q pulmaratso,
saadi^q saja-nää^q-hobõsõ.
Kõik tull´ õks sis kokko kutsutav,
5745 tull´ hõim hõõlahe.
Näio tulli ka õks kotoh kutsut hõim,
tull´ hõim hõõlahe.
Kui tull´ õks ka sinnä tuu vell´o,
kaldo sinnä kallis poiss,
5750 kua olli õks taa esele umanõ,
naasele nal´a peräst,
tuu kõnõl´ õks kõõ umma tulõket,
Taadsi poolõ tands´ mist:
“Kui tulli õks ma ristteie pääle,
5755 haari tiiharra mano,
Ale tull´ õks vil mano teretämmä,
käve kätt andmahe.”
Kõrra vil õks nää^q aigo kõnõliva^q,
pall´o aigo juttu aiva^q.
5760 Alekõnõ õks küll ikk´, esi ütél´,
silväviil veerätelli:
“S´oo lää-i õks mul meelest maatõh,
lää-i süvveh säämest,
Taadsit jovva-i õks ma iä unõhtõlla^q,
5765 mito aigo meelest laskõ^q!
Nii pall´o õks mul om hüvvä miilt,
kulla meeleskosutuist,
kui õks ma süväste maka,
linnu, kõvastõ lebä.
5770 Siske näe õks ma und maatõh,
linnu Taadsit lebäteh:
siske olõ õks ma, kulla, ütehkuuh,
mar´a, tõõnõõsõõ man.
Timä lää-i õks mul veri vere sisest,
5775 ugla oho vaihõlt -
vai tulõ õks mul koolda^q kurva kätte,
mulda minnä^q murrõ siseh,
vai tulõ õks mul meelest mutt´uda,
umast karvast kaotada!”
5780 Kagoh timmä õks sis kiild´ or´a-ese,
mar´a miilt meelütelli,
tälle kõnõl´ õks ümbre ne tsõõri,
kost´ sõna kolmõ muudo!
Alekõnõ õks kõõ käega heit´,
5785 pääs´o pääga käänd´:
“Olõs nännü-s õks ma timmä, näiokõist,
[timä] hellä hiusõkõist!
Kiäke jovva-i õks imp minno meelütellä,
mino süänd sütütellä!”

5790 Tälle ütél´ õks sis peenü peremiis,
uma or´a-esekene:
“Kui timmä õks sa väega murõhtõllõt,
umast meelest minehtellet,
sis saasõ õks täl elo ikuline,
5795 virvel silmäviiline -
kur´a vii õks ma jutu näide kodo,
paha sõna paja pääle!”
Alekõnõ õks jal lausi meelestäni,
meelest, meele poolõstani:
5800 “Minno tulgu^q õks hot´ tuuli keelimähe,
pilvi kiini pidämähe,
minno jovva-i õks imp keeltä^q tuulõkõsõ^q,
kinni pitä^q pilvekese^q,
muudku toukse õks mul süä Tuula tütärd,
5805 meeli tahtõ Taadsikõist!”
Alekõnõ õks jal ohe, esi ütél´,
kadsat´ sõna kaihomeelel:
“Tälle mine^q õks sa mano ne manidsõ^q,
kõrva sisse kõnõlõ^q:
5810 Ale saat õks vil hüvvi sõnomit,
terävit tervüsi!
Kui läävä^q õks nää^q, pini^q, purõlõma,
läävä^q kana^q kaklõmma,
las pitä^q õks vil meeleh mu sõna,
5815 Ale sõna õks vil alalõ hoita:
küll pästä õks vil timä pääkese,
pästä hellä hingekese,
otsane õks ma lasõ-i uinutõlla,
pur´opääga purutõlla!
5820 Hot´ lää õks ma saaja kaemahe,
var´o takast vaht´mahe,
õga tohi-i õks ma tälle mano minnä^q,
kulla mõrsja kotalõ -
Alel om õks mul vaja vaiki olla^q,
5825 säädüs saista^q sälä takah.”
Alekõnõ õks sis ütél´: “Ar mine^q,
naka^q piirmä, peremiis -
ammu sinno õks jo sinnä oodõtas,
vanijallõ vahitas!
5830 Tälle veit õks sa kos´a^q edimätse^q,
annit avvo armallõ -
kõik sinno õks säääl tundva^q truus´kast,
saldva^q sajavanõbast,
küll sa õks saat tukõv truus´ka,
5835 illos iih-minejäni!
Mino haara^q õks säääl nimme nimitsellä,
Ale nimme avvustõlla -
küll naa^q haardva^q õks vil vaja Alekõist,
seto poissi ülestäse^q!”
5840 Sis lätsi^q õks nää^q lakja kui laglõ^q,
üttest-kuust kui kurõ^q.
Tuud kõnõl´ õks sis peenü peremiis,
ausa Ale armatsõja:
“Selle jäi õks ma ilma-iltsõst,
5845 kaldo väegä kaugõst.”
Taadsi õks sis esse helläkeist,
Taadsi tätät tähekeist -
tälle õks küll ikul ilotõlli,
kurval süämäl kul´atõlli:

5850 “No kuulõ^q õks, mu suur sugulanõ,
mino otsane umanõ!
Ale jutto õks sa Taadsilõ kõnõlgu-i,
armastuist arotagu-i -
üts ütle^q õks sa sõna ütsä seest,
5855 korja^q vällä kuvvõ seest!
Kui tälle õks sa kõik kõnõlõt,
Ale jutto arotat,
agu nakas õks sis Taadsi ikmahe,
kabo väega kahitsõmma?”
5860 Sis jäti^q õks nää^q jutto vähämbälle,
kurva sõna kostutõlli^q.
Au- nakas^q õks sis -lauda astumahe,
leemeliud liikumahe.
Taadsikõist õks kõik ehe^q ilosahe,
5865 kallehe kabistõlli^q.
Esi õks nää^q ehe^q, eis^q ilode^q,
valmistõlli^q ne vallade^q:
“Ehi^q õks no, ehi^q innebüisi,
valmistõllõ^q varahappa!
5870 Varste sullõ õks jo peio perrä tulõ,
varra vaja haarõtas,
perrä tulõ õks jo pikil rattil,
veere vedrovangõrdõga.”
Tuud õks taa kõnõl^q Taadsi sugu,
5875 ütli^q uhkõ^q umadsõ^q:
“Kaadsil tulõ õks vaest troskaga siiä,
liigus siiä linekil?”
Kaadsil õks-jal-kõist, velekeist,
pikkä peiopoiskõist!
5880 Au- nakas^q õks täl -lauda astumahe,
leemeliuda liikumahe.
Au- läts^q õks täl -laud ausahe,
leemeliud lilli muudu.
Kaadsil and^q õks kõõ viina vii võrra,
5885 and^q olut uja võrra,
klaas olli õks täl kullandõ käeh,
pikre peoh hõbõhõnõ.
Kaadsil olli^q õks kõik ubina-ollõ^q,
tettõ^q verevä^q viina^q,
5890 olli^q õks kõik Kaadsil säksa söõgi^q,
säksa söõgi^q, herrä joogi^q.
Söõgi- saiva^q õks sis -kõrra^q süüdüst,
joogikõrra^q juudust,
ette naksi^q õks nää^q pandma hobõsit,
5895 vankre ette valmistamma.
Kohe õks taa istõ kallis Kaadsil,
läts korgõ kosilanõ,
tuud ehe^q õks kõik hobõst ilosahe,
musta ruuna moodotõlli^q,
5900 targastõ õks nää^q panni^q taossehe,
veernahe* vehmrehe.
Kaadsikõist õks ka häste ehitedi,
kallehe kabistõdi -
Kaadsil oll^q ka õks küll herrä hiusõga,
5905 oll^q papi palgõga.
Kõik saiva^q õks nää^q häste ehitedüst,
kallehe kabistõdust:
naase^q olli^q õks kõik siide siseh,
kulla häärme kottal.

5910 Kaadsil võtt^q õks jal sada sajamiist,
tuhat tolmulüüjät:
nal^q a- võtt^q õks tä -liisi, iloliisi,
võtt^q veljo viguriidsi,
kiä olli^q õks naa^q jutalõ julgõ^q,
5915 olli^q sõnolõ selge^q.
Kaadsil õks sis lausi meelestäni,
meelest, meelee poolõstani:
“No kuulõ^q õks ti, kulladsõ^q umadsõ^q,
hõbõhõtsõ^q hõimunaase^q!
5920 Siin teele õks ma ütle üle hulga,
üle kõiki kõnõlõ:
kui õks mi lääme näio kodo,
lääme mõrsja mõisahe, -
Taadsil ka õks om sugu suur,
5925 sugu suur, võsa võrgas -
mõni ka õks vaest miis minno salli-i,
või-i nätä^q võrksa hõim!
Sedä õks ma tiiä selgehe,
tiiä õkva õigõhõ:
5930 mõni õks näid om Ale poolõ,
seto vele vere poolõ.
Mõni nakas õks kui Alet avvustamma,
seto veljä veeretämmä,”
- Kaadsil õks lausi meelestäni,
5935 meelest, meelee poolõstani -
“Alest või õks ma olla^q ausap,
seto velest veerüsäp!
Rikkal om õks vaest õigus ülembi,
korgõl kohus korgõb!
5940 Sääil lasku-i õks ti sõnnoga sõimada^q,
lasku-i lauluga laita^q,
Kaadsil saiskõ^q õks ti iist kui sainaga,
olgõ^q iist kui ussõga!”
Ese õks sis kuuld^q, kostõ vasta,
5945 tahtõ targastõ kõnõlda,
ime ka õks üteli läbi iku,
lask sõna läbi laina:
“Kuulkõ^q õks ti, mi hüä hõim,
pääle oigõ^q umadsõ^q:
5950 Kaadsil naaku-i õks ti jutto kaemahe,
kosilaist kullõmma!
Sedä ütli^q õks meil innedse^q eläjä^q,
mustõ mustidsõ^q vanõba^q,
et söõgu-i õks vanõba ossa -
5955 kullõ^q vanõba sõnna!
Sinnä mingu-i õks ti tüllü tegemähe,
hangusõnno haardmahe!
Õga ka õks tüllül tarrõ tii-i,
pahameelel majja panõ-i -
5960 tüllül õks saat suurõ tündsi*,
pahameelel pakso sälä.”
Kõik õks sis kulsse^q ese jutto,
pardsi maama pallõngit.
Sis panni^q õks nää^q kotte ese jutu,
5965 maama sõna mahutõlli^q,
ese ütli^q õks nää^q sõnno õigõst,
tätä sõnno tähtsäst.
Ese õks jal lausi meelestäni,
uma meelee poolõstani:

5970 “No kuulko^q õks ti, sada sajamiist,
tuhad tolmulüüjät!
Inne mingu-i õks ti kotosta kohege,
viir^{ku}-i vällä velisist,
kui võtko^q õks ti püss püti päält,
5975 taba taarihaani päält,
sis haarko^q õks ti püssä paugutõlla^q,
tulirauda tossutõlla^q!
Kuri pelgäs õks tuud püssä paukunat,
tuliravva tossukõist,
5980 sis tohi-i õks taa tikõ mano tulla,
pakan tulla pall’o maad,
sis pakõ õks ar tikõ umma tiid,
pakan suurõ paiju sisse.
Kuri tüküs õks ello essütämmä,
5985 pakan paare lahotamma.”
Kaadsõ õks naard’, esi ütél’,
kosilanõ kullut sõnno -
ese pidi õks tä jutto ilotost,
kandja sõnno kammõlikust.
5990 Tälle koput’ õks kõõ kuri kukrohe,
lask’ sõnno lagipäähã:
“Kuulõ^q õks sa, korgõ kosilanõ,
kuulõ^q, pikk peiopoiss!
Püssäl lasõ^q õks sa olla^q vaja otsah,
5995 pauguriistal parrõ küleh -
innep võta^q õks sa üteh viinavaat,
illos pütt ede pääle!
Inne õks sa, vell’o, esi juu^q,
kosilanõ kummutõllõ^q -
6000 edimält õks küll om ehtsä viin,
topsi peräh perüs hää!
Kaadsõ, võidõ õks sa juuva^q mito täut,
kuus täut kummutõlla:
kuvvõl saat õks sa napsil kullus poiss,
6005 viiel napsil veerüs miiss!”
Küll kullõl’ õks sis Kaadsõ tundi jutto,
vanapatu pallõngit.
Sis läts õks küll Kaadsõ minemãhe,
vikur vell’o veerümãhe.
6010 Kiã õks sis nägi minejit,
rikka vele veerümist,
tõõnõ-õks-sis-tõõsõlõ kõnõli^q,
tõõnõtõõsõlt küsütelli^q.
Mõtle^q õks nãã^q sõã sõitvat,
6015 tuulispää tulõvat:
versta õks nãã^q takast veretivã^q,
poolõ takast punõtiva^q.
Sis õks nãã^q kaiva^q, sis näivã^q:
õga õks joht tuu sõda sõida-i,
6020 õga tulõ-i tuulispää.
Mõni õks sis ütél’: “Mõisnik tulõ!”,
kua ütél’: “Kunigas sõit!”
Kõik kaiva^q õks sis silmil selgil,
silmaõkolmal korgil:
6025 “Kunigas õks joht saaga sõida-i,
keisre tulõ-i tuhanaga -
taa õks küll sõit suur saja,
tulõ korgõ kosilanõ!
Agu õks taa om kavval Kaadsõ,

6030 tulõ suur Toomõ poig,
Kaadsõ lätt õks vaest Taadsilõ perrã,
kodo tuumaTuula tütãrd?”
Koh oll’ õks küll saar, nimã^q saisi^q,
oll’ kink, peivã^q kinni,
6035 viina-õks-nãã^q-liitrit leotõlli^q,
pilli^q viinapikrit.
Kaadsõ õks küll jei kats-kolm,
kosilanõ kolm-nelli,
muu jei õks kõik hõim moodo perãst,
6040 mõni vell’o veid’okõsõ -
Kaadsil oll’ õks jo viin vere siseh,
ollõtsilkmõ^q uglã* siseh.
Sis õks imp lãã-s pall’o aigo,
tuvi mitond tunnikõist.
6045 Erinãt õks sis oll’, mürinãt,
viinatõnni tuminãt,
pããle õks nãil lipu^q libisivã^q,
varva otsah vabisiva^q.
Lipp õks vaak’ varva otsah,
6050 kuuk’ laulo korgõh -
tuul õks tougas’, sõna tull’,
libisi, esi leelot’.
Lipp õks kuuk’ kurva laulo,
leelot’ sõnno leinãliisi.
6055 Lãpe-s õks kulla^q nãã^q kullõlda^q,
pardsi^q tähele panda^q.
Kiã puttõ õks sis vasta sajalõ,
kosilasõ kottãlõ?
Vasta õks sis tull’ pinipark,
6060 kihelkond Kirepit.
Kõik õks sis pini^q purõliva^q,
Kirebe^q kiskliva^q.
Sis jãi õks taa saja saismahe,
kosilanõ kullõmma,
6065 sis ütél’ truus’ka, toroküpãr,
raudkãsi, raharikas:
“Nãgü-õks-no-nesse, kuulunõsõ -
nãtã^q saasõ õks meil nãdãle perãst,
kuulda^q mõnõ kuu perãst,
6070 kui nakas õks s’oo paar elãmãhe,
abielo idãnemãã?
Innestã õks ma kuuli kur’alt puult,
pahasõnno pajatõlli:
lipp õks laul’ leinãsõnno,
6075 kurva sõnno kul’atõlli.
Õga õks ma kellege ütles,
lipu sõnno liigutõllõ-s!
Tãdi^q, võidõ õks ti tähele panda^q,
tiidã^q, tsõõri tsõdsõkõsõ^q:
6080 s’ool tulõ õks küll vell’ol vipõruisi,
murrõ-elo mutingit*!”
Kaadsõ õks joht kullõ-s nãide jutta,
Toomõ poig tuud sõnna -
Kaadsil oll’ õks küll viin veerüs sõbõr,
6085 olu uma vell’okõnõ.
Taadsõ olõ-s õks imp kodo kavvõndõh,
pardsi pall’o maa takah:
naksi^q õks jo paistma pajalavva^q,
vãlkmã vãrehtetulbã^q.

6090 Sääl õks jo oll' suur summ,
suur summ, paras park,
oodi^q õks nää^q sisse suurt saaja,
suurt saaja, kallist Kaadsit.
Kaadsi õks sis läts torõhõhõ,
6095 torõhõhõ, kärehehe.
Truuska õks sis lausi meelestäni,
meelest, meele poolõstani:
“Külge õks ti, külge, külärahvas,
taakõ^q iist, talorahvas,
6100 laskõ^q õks ti veerdä^q mi veel,
laskõ^q asto^q au-latsõl!”
Kaadsi ai õks sis hobõsõ lävele,
rikka Taadsi repi mano,
Kaadsi karas' õks sis maalõ kui kaalets,
6105 moro pääle muudsa poiss.
Oll' õks täl kolm kutsaret,
mito uh'a-hoitjat.
Kaadsi läts õks sis targastõ tarrõ,
läts häste härbänne.
6110 Mano tull' õks sis kümme teretäjät,
käve käe-andjit.
Kaadsi aete õks kõik hõim hõõlahe,
laadnahe lavva taadõ.
Sääl õks küll olli^q sääntse^q söögi^q,
6115 sääntse^q söögi^q, sääntse joogi^q:
kõik õks suuhtõ sulleva^q,
kõik pekko pitsüvä^q.
Kuah õks vil keivä^q kokõliha^q,
paah pardsi^q hauduva^q,
6120 mõni õks vil tõi mõtusit,
mõtskitse keerätelli.
Mõni õks sis sei, mõni laul',
kua nulgah kul'atõlli.
Kaadsi õks kõõ marssõ majja piti,
6125 kopsõ tuud koto piti.
Mõni õks kui ütäl' mõnõ sõna,
kua ütäl' kats-kolm,
Kaadsi oll' õks sis vasta kui västär,
kirge vasta kui kikas.
6130 Oll' õks taal Kaadsil hüä hõim,
olli^q uhkõ^q umadsõ^q,
peivä^q õks nää^q meeleh ese sõna,
uma tätä oppusõ -
õga õks nää^q tüki-s tülü pääle,
6135 taha-s minnä taplõma,
kõik sõki^q õks nää^q kur'a kundsä ala,
talla ala taatõlli^q.
Oo õks tuud Kaadsit kavalat,
Toomõ veljä vigurist -
6140 kullõl õks tä sõnno kui kodask,
kai juttõ kui kalkun:
Kaadsi pand' õks jo kotte kur'a sõna,
karmanehe kalõ jutu.
Mõni ütäl' õks kui Alet ausapast,
6145 seto veljä veerüsäpäst,
sis vidi õks jo tälle süämehe,
lask' Kaadsi laka ala.
Taadsikõnõ õks kõõ kai kavvõndõst,
vahtõ Kaadsit vao takast -

6150 õga taha-s õks imp Taadsi tandso lüvvä^q,
taha-s kabo imp karada.
Taadsikõnõ õks jo iki, esi ütäl',
silmäviil veerätelli:
“No tulõ õks mul minnä^q, miä tetä^q,
6155 kabol kotost kalduda!
Kui jättä^q õks mul uma^q võõrast,
kats vanna kaotõlla;
kui võtta^q õks jäl võõra^q umast,
kos'a-ime kallest?
6160 Hallõ jättä^q õks mul ummi võõrast,
jälle võtta^q õks jal võõrit umast!
Mitte saa-i õks imp midäge tetä^q,
kurvaline, kohege minnä^q!”
Taadsi ikk' õks jo maah hingetõh,
6165 kuuk' maah kooluseh:
“Riisuse^q õks ma neilt rõivilt,
kakuse^q kaalatsilt,
n'oo^q jätäse^q õks ma joogi^q jutusõst,
kos'a^q kolgalõ kõnõlda!
6170 Lats, olõ õks jo laulatõdukõnõ,
pardsi paare pantokõnõ,
lakja saa-i õks imp minnä^q laulatõdu^q,
saa-i paarista paeda!
Iäkene õks jo tulõ üteh ellä^q,
6175 mullane murrõ siseh.”
Ime tull' ka õks jo mano ikkõh,
sinnä silme pühkeh.
Kiä tahtõ õks taa Alelõ anda^q,
suurõlõ sulasõllõ,
6180 tuu õks küll irve imekeist,
tsusk' mar'a maamakõist:
“Tsih õks, tsih, imekene,
taad vaja, vana naane!
Küll sa läät õks no noorik nurmõ pääle,
6185 mõrs'a mõsupingi otsa!”
Mõni õks jal ütäl' mõnõ seest,
kua kolmõ vaihõlt:
“Tuud naaku-i õks sa, ime, ikmahe,
vana kandja kahitsõmma -
6190 küll sullõ õks naa^q tiindre^q tegevä^q,
mõskva^q nägüsä^q nädsigo^q!”
Taadsikõnõ õks sis ehe, esi iki,
kallehe kabistõlli.
Taadsil painu-s õks pardsi käekese^q,
6195 nõrgu-s nõrga^q sõrmõkõsõ^q,
käe^q painu-s õks täl jalgo kang'mähe,
sõrmõ^q sõlmõ heitmähe.
Taadsi ai õks sis sälgä sääntse^q rõiva^q,
uhkõ kleidi olgõ pääle.
6200 Sis sai õks taa Taadsi valmest,
ilosähe ehtinõst,
Taadsi läts õks sis tassa tarrõ,
ikuline ese mano.
Ime ka õks ikk', esi ütäl',
6205 silmäviil veerätelli.
Ime õks sis tõi valgõ vadsa,
tõi pehme piirago.
Ime õks sis esele ütäl',
maama tätäle manidsi:

6210 “Ese, panõ^q õks sa päts pää pääle,
vatsk vahaladva pääle,
pätsikene õks sa poolildõ lõika^q,
kandsu katsildõ käänä^q!
Ese, lõika^q õks sa kuur kodo poolõ,
6215 jätä^q sisu sinnä poolõ -
kuur nakas õks sis kodo kutsmahe,
sisu säääl elämähe!”
Ime tõi õks sis valgõ vadsakoti,
lillelise leeväkoti,
6220 ime käsk^q õks tuu leevä aita panda^q,
saata^q salvõ veere pääle:
“Tütär, nakat õks sis õnnõh elämähe,
nakat viläh vinnümähe!”
Oo õks tuud Kaadsi kallist hõimo,
6225 oigit umatsit!
Kua oll^q õks täl vöödõt kõnõlõmma,
hangusõnno haardmahe,
tuu ütäl^q õks naane tuu sõna,
ütäl^q miis mito sõnna:
6230 “Vahtõ^q õks ti langu^q, mi umadsõ^q,
meilä meelimar^q akõsõ^q,
no meele õks ti angõ^q andest,
pallõ pall^q o uskuvast:
täämbä õks mi kostõ ti kotoh,
6235 viidi aigo velisil,
siii õks mi haari suurõ havva,
pääle jätä suurõ jäle -
meid õks ti hõste hoijidõ,
meid peide peo pääl!
6240 Kui ti õks hummõn meele tulõt,
kallut Taadsit kaemahe,
sinnä võidõ^q õks ti tulla^q tuhanda võrra,
meele saia^q saa võrra –
küll joud õks meil ese vasta võtta^q,
6245 Kaadsi oll^q õl uputõlla!
Hummõn tulgõ^q õks ti, mehe^q, võtkõ^q naase^q,
tulgõ^q naase^q, võtkõ^q latsõ^q -
kodo jäti õks mi hällükudajit,
nõdõrmõ nõstjit:
6250 kolm jäi õks meil hällükudajat,
pardsi pirrupalmitsõjat.
Vana^q õks mamma^q mano läävä^q,
hüä^q latsõhällütäjä^q -
mi võidi õks sis kotoh kul^q atõlla,
6255 Kaadsi majah kargut lüvvä^q!”
Taadsi and^q õks vil papa prässenjä^q,
tahtõ anda^q taros^q nat*:
tahhe oll^q õks küll taros^q na-naps,
verrev prässenjä-viin.
6260 Mõni õks jal naane naaraskõlli,
inemine ilotõlli:
“Mis meil õks siin viga veerätellä,
kua viga kul^q atõlla -
tühält õks mi tulli, tükü saimõ,
6265 ao viidi, as^q a saimõ!
Mi veeme õks siist imele abi,
taadõlõ tallitaja,
linnu veeme õks mi lehmänüssijäni,
kalle kar^q asaatjani.

6270 Veeme õks mi kodo kuku muna,
siii jätä silmäkirä:
mi õks küll nurmõ naaru naard,
ti nurmõ ikku ikk;
teil jääse õks siin nüssik ikmahe,
6275 kurnurõivas kuukmahe!”
Ale õks sis kuuld^q, vasta kostõ,
hiile üldä^q hill^q okõistõ:
“Taad om õks küll imele vaja,
paras vanalõ paabalõ:
6280 kats jäävä^q õks no vanna kahitsõmma,
mõlõba^q mõtlõmma,
no jääse õks näil tükk tühjä tarrõ,
pala pal^q ast põrmandot!”
Kaadsi õks kui kuuld^q Ale jutto,
6285 seto poisi seletüst,
Kaadsi õks sis ütäl^q: “Kaegõ^q rutto,
kibõhõhõ kiir^q ke^q vällä!
Mõni nakas õks jo meid mut^q utamma,
pakk^q ma paari vaihõlõ!”
6290 Kaadsi haard^q õks sis Taadsit käest kinni,
kangla alt kallutõlli,
Kaadsi tassit^q õks sis vällä Taadsikõsõ,
ese kotost kull^q a naase,
Kaadsi kae-s õks imp ese ikmist,
6295 muu rahva murõhtamist.
Hopõn õks jo sais^q repi iih,
tuliverrev tulba küleh.
Kaadsi heit^q õks sis pääle kui kaaledsa,
rattilõ rahva muudo.
6300 Ime tõi õks vil kimbo kindit,
kats kimpo kaputit.
Ime pand^q õks sis rüppõ, esi ikk^q,
maama kummaldõ kuuk^q.
Kaadsi kae-s õks imp ime ikmist,
6305 nopõ maama nuutsk^q mist,
Kaadsi õks sis kuuk^q kutsärillõ,
ütäl^q ede-istjälle:
“Lasõ^q õks no minnä^q, mis mi hooli,
lasõ^q kaldo^q, kae-i taadõ!”
6310 Kagoh õks nää^q lätsi^q ne lauli^q,
saja keerät^q ne kihk^q:
“Ii-ih, saja^q, saja^q,
katõl noorõl saja^q, saja^q!”
Kaadsi õks imme helläkeist,
6315 maamat meelimar^q akõist -
panni õks tä piimä piisümmä,
lihaleeme leügenemmä.
Ime õks eis^q man laulaskõlli,
eesti mamma ilotõlli:
6320 “Peesü^q õks no, peesü^q, lastõ piim,
leügne^q, lastõ lihaliim!
Varste tulõ õks jo muna moro pääle,
rikas Taadsi repi ette.”
Kaadsi-õks-jal-kõist, velekeist,
6325 tuud korgõt kosilaist -
sõit^q õks saja tükü tiid,
läts paar pall^q o maad.
Õga õks nää^q püssä paugutõllõ-s,
tulirauda tossutõllõ-s -

6330 pur' o- õks nää^q -pääga porisiva^q,
viinal ütli^q õks nää^q sõna virilähe:
Kaadsil üteli' õks sis Taadsilõ halvastõ,
üteli' kogone kur' astõ,
ilotohe õks jo nakas' irv' mähe,
6335 Ale nimme arotamma.
Kulla saiva^q õks nää^q tuuhtõ kottalõ,
pardsi^q tuu paiga pääle -
tundi^q õks olli^q tuuh mõtsah,
vanapatu^q suurõh paijuh,
6340 sääli õks ka tundi^q viina jeivä^q,
liikvat liigutõlli^q -
mano õks sis juusk' tukõv tunt',
kõikõ paksop patu-ese.
Võtt' õks tä viina verevät,
6345 mamma mar'anäolist,
vali õks tä noihtõ vankrihe,
karas' peio perä pääle, -
õga õks joht timmä kiäke näe-s,
nimä^q vahi-s tuud vaimo -
6350 klaasi pand' õks sis Kaadsil karmaneh,
taat' tälle tas' kohe.
Sõidi^q õks nää^q aigo veid' okõsõ,
mito minodekõist.
Tunt' and' õks jo tälle tuu meele,
6355 viinapikre pill' mise,
tunt' pand' õks jo sinnä tuu tsilkmõ,
lask' sisse lahotusõ,
viina õks et juuva^q, tüllü tetä^q,
tappa umma Taadsikõist!
6360 Kaadsil ai õks sis kätt karmaneh,
tahtõ aia^q taskohe.
Võtt' õks tä vällä ne naard',
läts poiss punatsõst:
“Ma õks no löüse kuldakosti,
6365 virve napse veid' okõsõ!
S'oo om õks vaest pant Taadsil esel,
mar'a maamal mahutõt,
mullõ omma^q õks nää^q anno^q nägemäldä,
taskohe tahtmalda -
6370 no juu^q õks sa, mino naasekõnõ,
taha^q viina, Taadsikõnõ!”
Taadsil õks sis naard' läbi iku,
silmäviil veerätelli:
“Kel õks käeh, tuul suuh -
6375 juu^q õks sa inne, Kaadsikõnõ,
võta^q pekko, peiokõnõ:
Kaadsil, om õks sul õigus iih juuva^q,
maitsa^q sedä mammakõist!”
Sis nakas' õks Kaadsil juumahe,
6380 magusahe maitsmahe.
Kuri õks sis takast kummutõlli,
pakan üteli': “Juu^q pall' o!”
Korgi all õks kõik oll' kuri viin,
tükke pääle tülü-viin,
6385 tuu õks kõik jei kavval Kaadsil,
kosilanõ kummutõlli.
Keset oll' õks klaase kehvä viin,
pilgat elo perä all,
nuu^q õks ka Taadsilõ lätsivä^q,

6390 keele pääle keerätivä^q.
Hot' õks ka Taadsil juuva^q taha-s,
taha-s mamma magusat,
tohi-s õks tä, vaenõ, vasta olla^q,
pardsikõnõ vasta panda^q -
6395 oll' õks täl pall' o pakijit,
pall' o suuhtõ sundijit.
Miä õks küll ante, ar jei,
miä pakute, panõ-s vasta.
Tunt' õks sis naard' tugõvahe,
6400 hõpõtsõhõ hõkõrdõlli:
“Siist joudsõ õks ma pettä^q pikä paari,
hiile^q näide hingekeise:
no olõt õks sa, Kaadsil, mi umanõ,
Taadsil, meelimar' akõnõ!”
6405 Tunt' õks sis hinele kõnõli,
taat' * sõnno sälä takah:
“Kui om õks mul aig, asto mano,
keerä kurja kihotamma:
kui ma õks taha, ti taplõt,
6410 kae pääle, ne kaklõt!”
Hopõn õks tundsõ tundi toso,
hall ruun pato haiso,
hopõn sõit' õks sis kodo tulitsõhõ,
verrev kodo vihasahe.
6415 kõik õks naa^q mõtsa^q mürisivä^q,
nurmõkolga^q kolisivä^q,
valla- aiva^q õks nää^q -naase^q asõmilt,
eesti provva^q puhkammast.
Õga lasõ-s õks nää^q külälä maada^q,
6420 küläpoisala puhada^q.
Olõs olno^q õks tuul siibo^q hobõsõl,
olno^q sulõ^q suurõl ruunal,
sis õks tä lindo linnano^q,
pilno^q üles pilve mano,
6425 sis õks tä Kaadsil kaotanu,
mar'a Taadsil maalõ jätnõ!
Kutsär jovva-s õks imp hobõst uh'ol hoita^q,
uh'ol hoita^q, kablõl kanda^q -
peo- olli^q õks jo -pesä^q pitsünü^q,
6430 virve ville hõõrdunu^q
hobõst õks kinni pitenei,
kinnä ratsot keeleteh.
Puul õks sis ilma imehtelli,
kõnõl' sada sajamiist:
6435 “Nägü-õks-no-ness, kullunõssõ,
miä õks no saasõ minneneni,
kua kodo tuvõnõni?
Meele õks no saasõ, miä taht,
kostke kurja lövväme -
6440 mille läts õks meil verrev vihasast,
paariruun rohkõst?”
Truus' ka õks jal üteli' torõhõhõ,
sajavanõmb vasta lausi:
“Miske- õks meil -siske, s'oo peräst,
6445 jälki-talki, taa peräst -
õga õks joht taa meele putu-i,
nühkse-i küläle külge!
Õgal-õks-üteli uma oht,
om kaalah kalg' kaih -

6450 tōõnõ- saa-i õks joht -tōõsõlõ anda^q,
kaiho muilõ kallutõlla^q!”
Oo õks tuud Kaadsi kallist hobõst,
verevät virka ruuna -
kõkõ õks tä inne ette juusk´,
6455 jätt´ taadõ targa^q ratsõ^q.
Jäi õks jo saja saarõ pääle,
kalle hõimu kaotõlli.
Kõik õks nää^q takah kõnõliva^q,
kaldumist kadsatõlli^q:
6460 “Kaadsi tulõ õks vaest eloh essungit,
virve paaril vipõruisi:
kohe õks tä läts, säääl oll´ koor´a,
kohe veerät´, vipõrusõ^q!
Kõik õks naa^q kur´a^q kotte lätsi^q,
6465 taativa^q taskohe,
küll kuna õks nää^q kotist kodo läävä^q,
taskost tarrõ taganõõ^q,
Kaadsi nakas õks sis ello essütämmä,
paari ello pahandamma!”
6470 Kaadsi juusk´ õks sis verrev viiskümmend,
tuliverrev tuhatnelja.
Uma saiva^q õks sis ese repi mano,
klaasiusse kaalallõ.
Latsõ^q joosi^q õks sis tarrõ ütlemä,
6475 kar´usõ^q kadsatamma:
“Memme, joosõ^q õks no vasta minialle,
taadõ taaritegijalle -
rikas om õks jo minia repi man,
illos´ poig ese majah!”
6480 Ime juusk´ õks sis vasta hüäl meelel,
kandja vasta karõldõh.
Takah läts õks sis ese tasatsõhõ,
vana papa parruistõ.
Ime kuts´ õks sis kull´a tütrest,
6485 hõigas´ hõpõsõrmusõst,
pääle oiut´ õks sis käe olgõ mano,
pääs´o pää kottalõ.
Imekene õks sis hõste hääiltselli,
pääs´o pääd ilestelli.
6490 Ime õks sis hääilts´, häste ütél´,
papa ütél´ parebehe:
“No tulõ^q õks sa tarrõ, mu tüteri,
käu^q tarrõ, käskjalg,
tarrõ tulõ^q õks, mu taaritegijäni,
6495 mõduvaadi mõskjani!”
Taadsi läts õks sis miil mesitsest,
vaim vahanõolitsest,
ime tull´ õks et armuga vasta,
kutsma kulla-süämega.
6500 Esekõnõ õks jal hõigas kui hõpõ,
pill´ sõnno pehmehe.
Taadsi kinke õks sis näile kindit,
kallut´ näile kaputit.
Ime läts õks sis tarrõ kitteh,
6505 tiidse minnä^q trehväteh.
Pääle ütél´ õks sis ime tuu sõna,
Kaadsi tätä kadsatõlli:
“Kohe olõt õks ti umadsõ^q jätnõ^q,
kalle hõimu kaotanu^q?”

6510 Kaadsiõnõ õks joht esele kaiba-s,
kosilanõ kuulutõllõ-s -
esele õks kõik kutsär kuulutõlli,
ütél´ ohto uh´ahoitja,
esele õks tä näüdäs´ käekeise,
6515 pitsitettõ peokõise.
Ese õks sis pääd raputõlli,
pardsi miilt pahandõlli.
Ese õks sis Kaadsiõ ütél´,
ütél´ umalõ pujalõ:
6520 “Sullõ õks ma ütli kotost minneh,
ütli majast marsseh:
poig, võta^q õks sa püss pütü päält,
taba taarihaani otsast,
mõni võtnõ^q õks jal kulla korgõst,
6525 vahtõ püssä vaja otsast!
Sis haardno^q õks ti püssä paugutõlla^q,
tulirauda tossutõlla^q,
sis tohtnu-s õks teil tikõ mano tulla^q,
pakan´ paari vaihõllõ.
6530 Poig, isknõ^q õks sis kodo ilosahe,
tahtno^q tulla^q tasatsõhõ.
Vaja oll´ õks sul keertä^q kespaigah,
valla^q saja vaihõl,
truus´kal oll´ õks küll vaja iih tulla^q,
6535 rako^q raudkübäräl!
Poig, lätsit õks sa üle ese keelo,
kaldot tätä kaitsmise:
viina- oll´ õks sul -pütt püssä iist,
pardsi liitre paugu iist!”
6540 Kaadsiõnõ õks imp midäge ütles-s,
papa miilt pahandõllõ-s,
eis´ ka olli õks täl hirm hiussõh,
pelgü peenü palgõh,
ilodo õks täl oll´ rahvast,
6545 häbü hüästä hõimust:
ilodo õks täl oll´ iih tulla^q,
pardsi hõimu paeda^q.
Kaadsi läts õks jal tarrõ Taadsi mano,
kambrõhõ kalle mano.
6550 Esekene õks sis lausi meelestäni,
papa pall´o pahandõlli:
“Hopõn, olõt õks sa hämm kui närts,
tuliverrev kui tuust´,
kõik omma^q õks sul hanna^q hallitõdu^q,
6555 kabja^q kogone kakõno^q!
Mille joosõt õks sa vett, verrev,
hopõn suur, liht leemetäs?”
Hopõn õks vil turnas tugõvahe,
hirnõ saaja helehehe,
6560 pääle nakas´ õks tä tunte turnamma,
kallis patto kaabatamma.
Umma nakas´ õks tä ohto ütlemmä,
pahanduist pajatamma:
“No kuulõ^q õks, mu peenü peremiis,
6565 hellä hainaheitjäni!
Innep õks ma sõitno^q sõa all,
viirdnõ^q vainoväe all,
kui õks ma sõidi saja all,
kaldo Kaadsi üteh!

6570 Rattillõ õks küll tull´ rassõ miis,
vaimu poig vankreh -
kõik omma^q õks sul vedro^q vinnähünü^q,
pahepoodi painunu^q:
tunt´ õks küll tougas´, ma tulli,
6575 kõnõl´ pall´o, ma pagõse.
Mullõ saat´ õks tä sõnna sälä takast,
tougas´ Kaadsi tur´o takast.
Tundil oll´ õks küll käeh tuu ruusk,
piitsk pinnanõ peoh.
6580 Kui näüdäs´ õks tunt´ tuud ruuska,
pess´ pinnadsõ piidsaga,
sis lätsi^q õks mul puusa^q punatsõst,
pess´ tuimast mu tur´o,
sis õks mul tuli silme tull´,
6585 kibõna^q vällä keere^q.
Tuli lasõ-s õks imp tulla^q tiid piti,
marsse^q mar´a maad piti,
sis õks ma keere kivve piti,
pagõse pallo piti:
6590 ma tahtsõ õks ar Kaadsi kaotõlla^q,
mar´a maalõ raputõlla!
Kulla^q õks nää^q pääl kukkõli^q,
hüä paar hüppeli.
Muudku olli^q õks näil säksol sälätõe^q,
6595 vankril siibo^q vastatsõlla,
näid õks sis kiild´ sälätugi,
peivä^q kinni näid perilä^q.”
Hiiro õks jal hillä kõnõli,
verrev üteli silmäviil:
6600 “Kui õks naa^q olno^q proosta^q ratta^q,
redele^q ristetsõllä,
sis jätnõ õks ma korvi kuusistikko,
redele^q õks kõik rippa lännõ^q,
kodo tulno^q õks sis kummõde muudo,
6605 ese kodo imme värke!
Jälke kuulõ^q õks, mu peenü peremiis,
kaara ettekallutaja!
Su^qka olõ õks ma käünü pall´o aigo,
imega uma iä -
6610 mullõ olõ-i õks joht saanu^q säänest sanna,
verevälle sääntsit vihto!”
Ese õks jal ohe, esi üteli,
kaihomeelele kadsatõlli:
“Oo õks mu hopõn leinäline,
6615 kallis ratso kaiholine,
agu tõidõ õks no kur´a mi kodo,
pagana paja ala?”
Verrev õks jo üteli veerüsähe,
ratso kadsat´ kallehe:
6620 “Õga tohi-s õks kuri siiä tulla^q,
pakan´ tulla^q paja ala!
Selle tohi-s õks taa kuri siiä tulla^q,
tulla^q hüvvä härbänne:
vahtsõ^q omma^q õks sul püssä^q vaja otsah,
6625 tuliriista^q tulba veereh.
Tunt´ jäi õks küll määgmä mäe ala,
suurdõ orgo uikmahe.”
Kaadsi õks tuud esse helläkeist,
pääle peenü peremiist -

6630 häste õks sis hobõst häälitseelli,
hikõ maalõ hel´otõlli,
pühke õks tä lihte leinälist,
olaluid oholiidse.
Jälke sai õks ta liht kui lill,
6635 läts turi tugõvapast.
Edese õks tä vidi verevät,
jälke timmä jalotõlli,
väega õks tä hõste väherdelli,
moro pääle moodotõlli.
6640 Kaadsi õks esse helläkeist,
kulla krundivanõbat -
hõigas´ õks tä kolmõ sulast,
verevä viijät:
“Tulõ^q õks sa, Vidrik, võta^q verrev,
6645 joosõ^q siiä, suur Juhan!”
Vidrik tull´ õks sis virgastõ mano,
Juhan juusk´ julgõhõ.
Ütel´ õks jal pikk peremiis,
Kaadsi tark kasvataja:
6650 “Sinnä õks ti veege^q s´oo verrev,
murrõlinõ mu hopõn:
pangu-i õks ti paika lämmähe,
kuumatsõhõ kotusõhõ -
eis´ke om õks tä kogone kuum,
6655 om, armõdo, aet -
pangõ^q õks ti paika jaahetsõhõ,
toetagõ tuulõ mano!
Tuul õks sis veese timä tossu,
hel´otas suurõ hii,
6660 sis nakas õks tä, kulla, kuiomahe,
tark ratso tahenõmma.”
Tuu sai õks kui jutt aetost,
hopõn häste säetõst,
sis kuuli^q õks jo ratta rabinat,
6665 tõllaperä tõrinat:
sis õks jo tull´ suur saja,
mar´a maalõjätedõ^q,
miä oll´ õks taa Kaadsi kaotõ,
uma hõim unõhtõ.
6670 Moro tull^q õks nää^q pääle murrõga,
linnu hõim leinäline.
Esi õks nää^q hinele kõnõli^q,
esele ilotõlli^q:
“Agu jäi õks meil Kaadsi kaldõhõ,
6675 vei verrev virro-harro?”
Kaadsi tull´ õks jo vasta karõldõh,
Taadsi vällä tagatarõst.
Kaadsi õks sis naard´, esi üteli,
vikur vell´o veerätelli:
6680 “Selle olli õks taa virk mu verrev,
tulinõ tulõmahe:
vastnõ oll´ õks mul lind vaihõl,
kinä tsirk kespaigah,
hobõsõllõ õks tä and´ andit,
6685 veerätelli vildikeise,
sis naksi^q õks naa^q kinda^q keerätämmä,
vildi^q häste vidämähe!”
Kaadsi õks jal lausi meelestäni,
meelest, meele poolõstäni:

6690 “Kuulkõ^q õks mu hõpõ hõimukõnõ
pääle sorrõ suukõnõ!
Teil olli^q õks vaest vidävä^q verevä^q,
ramõhunu^q ratsokõsõ^q,
selle õks ti jäide ildsõst,
6695 kaldo^q väega kaugõst!”
Kaadsõ tahtsõ õks küll häpü kaotõlla^q,
pagõmist paotõlla^q.
Kaadsõ õks sis hõimulõ ütél´,
naisilõ nal´atõlli:
6700 ”Tulgõ^q õks ti tarrõ, löõge^q laulo,
sohva pääl sorahõlgõ^q!”
Oido^q õks sis tarrõ umadsõ^q,
kaldo tarrõ kallis hõim.
Truus´ka ai õks jal hõimu hõõlahe,
6705 lavva taadõ laaditõlli.
Kaadsõ õks tä keerät kespaika,
Taadsõ kõrvalõ kõndõ.
Truus´ka õks sis lausi meelestäni,
meelest, meele poolõstani:
6710 ”Ime-õks-sa-kene, esekene,
kats latsõ kasvatajat!
Kas om õks no paras su pangõlõ,
tukõv sino tuubrillõ?”
Ime õks jal naard´, esi ütél´,
6715 paks maama pajatõlli:
”Taadsit panõ-i õks mi tüüd tegemähe,
armast asõld ajamahe,
musta panõ-i õks mi tüüd murdmahe,
talotüüd tamp´mahe
6720 Taadsõ saasõ õks meil hüä hõitijani,
suurõ vara vahtijani,
Taadsõ saasõ õks meil tabahõitjast,
kambrõluku kaejast!”
Noorik õks sis naard´ nuku alt,
6725 kabokõnõ kaali alt.
Ese õks jal lausi meelestäni,
vana papa pajatõlli:
”Eis´ke õks meil tiindre^q tüüd teevä^q,
palgalise^q kokko pandva^q.”
6730 Imekene õks sis läts´ lavva taadõ,
kulla paari kottallõ,
ime pand´ õks sis päähä paboja,
säksa tano taatõlli,
liit´ õks tä päähä lillelitse,
6735 keset pääd kir´olitse.

Ese tõi õks jal viina verevät,
mamma mar´a-näolist.
Olli^q õks näil pikre^q lillelitse^q,
topsi^q kogone kulladsõ^q.
6740 Näile õks sis ante armuviina,
oigõt saja-ollõkõist.
Kaadsõ õks sis Taadsiga jeivä^q,
pikre pekko võtiva^q,
6745 pääle ese õks sis imega jeivä^q,
võti^q viina vesselähe,
pääle õks sis jei suur saja,
kulla hõim kummutõlli.
Sis õks nää^q lauli^q lahehehe,
noorikõllõ nobõhõhe.
6750 Taadsõ-õks-sis-kõist, pruudikõist,
nobõhõit noorikõit -
imele õks jal and´ andit
tano päähä pandmast.
Imel saiva^q õks sis käe^q kergepäst,
6755 vanal sõrmõ^q vahtõpäst,
lavva tull´ õks sis takast, ne laul´,
imekene ilotõlli.
Sis õks nää^q seivä^q, sis jeivä^q,
peräh kulla^q kul´ativa^q.
6760 Mõni õks sis laul´ laadnahe,
viie perrä veerätelli:
”Siiä tulõ-s õks mi und magamahe,
pikkä und pidämähe -
siiä tulli õks mi laulo laulmahe,
6765 tahet tandso lüümähe!”
Kaadsil oll´ õks küll mito pillimiist,
kaet kandõpoissa.
Mõni mänge õks küll pille peränulгах,
leivä^q tandso tagatarõh
6770 ilo-õks-sahe, ausahe,
kulla kogone hõste.
Esi õks nää^q naari^q ne nal´ade^q,
vesselähe veerätelli^q:
”Omma^q õks n´oo^q torrõ^q Toomõ saja^q,
6775 nal´alise^q mi naase^q!
Seeni õks mi laula, meeni lastas,
seeni kuugu, kooni kullõldas -
kooni õks meil vakk siiä vala,
kirstukõnõ perrä keerüs!
6780 Meil om õks sis vaja vaike olla^q,
korgõt hõimo kullõlda^q.”